

Isku keenista qoyska

Macluumaadka ku saabsan dhawrista xogta

Raadinta. Wada xiriirinta. Isku keenidda.

Adeegga Raadinta ururka Laanqayrta Cas ee Jarmalka (Adeegga Raadinta ee Laanqayrta Cas ee Jarmalka) waxuu taageeraa dadka ay kala lumeen qoyskooda ama qaraabooda sababtoo ah colaadaha dagaal, masiibooyinka dabiiciga ah, baxsashada, barakaca ama haajiraadda. Waxuu caawiyaa raadinta xubnaha qaraabada, si iyaga dib loogu wada xiriiriyo oo qoysaska la iskugu keeno.

Waa maxay xogta aan shaqadayada ugu baahan nahay?

Si aan u caawinno isku keenidda qofka iyo xubnaha qaraabadiisa, Adeegga Raadinta ee Laanqayrta Cas ee Jarmalka waxuu u baahan yahay in uu helo macluumaadka ugu farabadan ee suurogal ah. Waxay tani siyaado ku tahay dhammaan macluumaadka kalee caadiga ah sida magaacda, taariikhda dhalashada, faahfaahinta halka ay ka soo jeedaan iyo xogta xiriirka dadka ku lug leh isku keenista. Mararka qaar, waxaa weliba hawsha muhiim u noqon kara macluumaad aad u shakhsi ah, matalan natiijada baaritaanka lagu soo ogaado waalidnimada si loo caddeeyo waxa ay dadku isku yihiin ama macluumaadka ku saabsan xaaladda caafimaad ee xubin qaraabada ka mid ah si sabab loogu yeelo kiiska darxumada gaarka ah.

Macluumaadkani dhammaantood waa xog shakhsi ahaaneed oo aan u baahan nahay si aan dantaada uga shaqayno.

Waa maxay ujeeddooyinka aan xogta ugu shaqayno?

Adeegga Raadintu waxuu xogta shakhsi ahaaneed u isticmaalaa si uu:

1. u raadiyo dadka la baafinayo
2. u caddeeyo ajalka ku yimid oo
3. uu isku keeno qoysaska.

Miyaa xogta dad kale loo gudbin doonaa?

Waxaan xogta shakhsi ahaaneed ku haynaa sir adag. Iyadoo shaqadayada qayb ka ah, waxaa loo baahan karaa in xogta loo gudbiyo dad kale, matalan

- gudaha Shabakadda Dib u soo celinta Xiriirrada Qoyska (Shabakadda Dib u soo celinta Xiriirrada Qoyska - oo ka kooban Guddiga Caalamiga ah ee Laanqayrta Cas iyo Ururrada Laanqayrta Cas iyo Bisha Cas ee waddamada kale).
- masuuliyiinta qaran (matalan masuuliyiinta haajiraadda)
- ergayda waddanka Jarmalka u joogta dalka dibaddiisa (matalan safaaradaha ama qunsuliyadaha)
- ururrada caawimada ee Jarmalka iyo dalka dibaddiisa.

Waxay tani, tusaale ahaan, caawin kartaa in macluumaad laga helo xaaladda hadda laga joogo hawsha dalkugalka ama fiisaha si loo soo ogaado taageerada loo baahan yahay in laga bixiyo kiiskaaga gaar ahaan. Waxaa xogta loo gudbin doonaa oo keliya hay'adaha ama ururrada kale haddii tan loo baahan yahay si loo fuliyo hawlahayaga adeegga raadinta.

Muddo intee leeg ayaan xogta kaydinnaa?

Xogta aad annaga nagu aaminto waxaa la kaydin doonaa inta loo baahan yahay si loo fuliyo ujeeddooyinka kor ku xusan ee xogta loogu shaqeeyo.

Waa maxay xeerasha qabanaya ka shaqaynta xogta?

Qof kaste oo laga hadlayo waxuu xaq u leeyahay dhawrista xogta. Shaqada Adeegga Raadinta ee Laanqayrta Cas ee Jarmalka waxaa lagu maamulaa qodobbada ku jira Sharciga Dhawrista Xogta ee Adeegga Raadinta Jarmalka (SDDSG). Maxaa dheer, waxaa annaga na qabanaya qodobbada ku jira Shuruucda Dhawrista Xogta ee Guud (DS-GVO) iyo Sharciga Dhawrista Xogta Federaalka Jarmalka (BDSG) marka aan xogtaada ka shaqaynayno. Haddii aan shaqadayada ugu baahanno in aan xogtaada ka dhex fidinno Shabakadda Dib u soo celinta Xiriirrada Qoyska, hay'adaha ama ururrada taas ku lug leh waxay raaci doonaan Xeerka Habdhaqanka ama xirfadeed ee caadiga ah ee u yaalla Dhawrista Xogta Waxaan annagu rabnaa in aan hubinno in xogtaada si hagaagsan loo dhawro, ayna ugu yaraan taas sameeyaan rafiiqyada shabakadda nagula jira, haddii ay joogaan halkan ama dalka dibaddiisa.

Waa maxay xuquuqda adiga kaaga taalla dhawrista xogtaada shakhsi ahaaneed?

Waxaad xaq u leedahay in aad macluumaad bilaash ah ka hesho xogta shakhsi ahaaneed ee aan annagu kaa hayno. Maxaa dheer, waxaad xaq u leedahay in la saxo xogta qaladka ah ee aan annagu kaa hayno. Haddii waqti ka dib aadan oggolaayn kaydinta xogtaada shakhsi ahaaneed, taas waad noo soo sheegi kartaa. Waxaan markaa annagu qaban qaabin doonnaa in xogtaada la tirtiro ama la xayiro.

Caddaynta oggolaanshaha ee la siiyey Adeegga Raadinta ee Laanqayrta Cas ee Jarmalka waqti kaste ayaa si buuxda ama qayb ahaan loo burin karaa.

Yaad adigu la xiriiri kartaa (ururka masuul ka ah)?

Haddii aad su'aalo ka qabto ku shaqaynta xogtaada ama hirgelinta xuquuqda aad u leedahay macluumaadka, saxidda, tirtiridda ama xayiraadda, waxaad la xiriiri kartaa xarunta Adeegga Raadinta ee Laanqayrta Cas ee Jarmalka ee aad kala xiriirtay weydiintaada raadinta ku saabsanayd.

Shaambadda ama magaca, cinwaanka iyo lambarka telefoonka xarunta taageerada

Haddii aadan ogayn cidda aad la xiriiri karto, waxaa kuu furan in aad la xiriirto xarunta dhexe ee Adeegga Raadinta ee Laanqayrta Cas ee Jarmalka:

Deutsches Rotes Kreuz
-Generalsekretariat-
Team 22/Suchdienst-Leitstelle
Carstennstraße 58
12205 Berlin
Telefoon: 030 / 8 54 04 -170
Fakis: 030 / 8 54 04 -458
Iimayl: suchdienst@drk.de

Sarkaalkayaga dhawrista xogta ee Adeegga Raadinta, Marwo Frauke Weber, ayaa iyadana iimayl loogu diri karaa halkan: frauке.weber@drk.de.